

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Klub zastupnica_ka Naše stranke
u Zastupničkom domu
Parlamenta Federacije Bosne i Hercegovine

Primijeno:			
Org. jed.	Broj	Priloga	Vrijednost
01.02	- 02 -	368	122

Vibor Handžić
Delegat u Domu naroda
Parlamenta Federacije Bosne i Hercegovine

PARLAMENT FEDERACIJE BOSNE I HERCEGOVINE

PREDSTAVNIČKI/ZASTUPNIČKI DOM


n/r g. Mirsad Zaimović, predsjedavajući

DOM NARODA

n/r g. Tomislav Martinović, predsjedatelj

Na osnovu člana 179., a u vezi sa članom 163. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20) i člana 164. a u vezi sa članom 172. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03,21/09 i 24/20) radi razmatranja i usvajanja po skraćenom postupku, podnosimo **PRIJEDLOG ZAKONA O IZMJENI ZAKONA O PLAĆAMA I NAKNADAMA U ORGANIMA VLASTI FEDERACIJE BIH** („Službene novine Federacije BiH“, broj: 45/10, 111/12).

PREDSJEDNICA KLUBA
Sabina Ćudić



DELEGAT
Vibor Handžić



Klub zastupnica_ka Naše stranke
u Predstavničkom domu Parlamenta Federacije BiH
Vibor Handžić
Delegat u Domu naroda Parlamenta Federacije Bosne i Hercegovine

PRIJEDLOG

ZAKON
O IZMJENI ZAKONA O PLAĆAMA I NAKNADAMA U
ORGANIMA VLASTI FEDERACIJE
BOSNE I HERCEGOVINE

Sarajevo, februar 2022. godine

Obrazloženje prijedloga da se Prijedlog zakona razmatra i donese po skraćenom postupku

Budući da se radi o Zakonu koji nije složen i obiman, predlažem da se Prijedlog Zakona razmatra i donese po skraćenom postupku u skladu sa članom 172. Poslovnika Predstavničkog doma Parlamenta Federacije Bosne i Hercegovine odnosno članom 164. Poslovnika o radu Doma naroda Parlamenta Federacije Bosne i Hercegovine.

ZAKON O IZMJENI ZAKONA O PLAĆAMA I NAKNADAMA U ORGANIMA VLASTI FEDERACIJE BOSNE I HERCEGOVINE

Član 1.

U Zakonu o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10, 111/12). član 16. mijenja se i glasi:

„Izabrani dužnosnici, nosioci izvršnih funkcija i savjetnici prilikom odlaska u penziju imaju pravo na isplatu otpremnine u visini šest prosječnih isplaćenih mjesečnih neto plaća iz prethodne godine u Federaciji Bosni i Hercegovini.“

Član 2.

Ovaj zakon stupa na snagu osmog dana od dana objavljivanja u Službenim novinama Federacije BiH.

I. – USTAVNI OSNOV

Ustavni osnov za donošenje ovog zakona sadržan je u odredbama člana IV.A.5.20.d Ustava Federacije Bosne i Hercegovine prema kojem je Parlament Federacije Bosne i Hercegovine nadležan za „donošenje zakona o vršenju funkcija federalne vlasti. Zakoni stupaju na snagu kako je u njima utvrđeno, ali ne ranije nego sto budu objavljeni u službenom glasilu Federacije“

II. – RAZLOZI ZA DONOŠENJE ZAKONA

Izabrani_e dužnosnici_e, nosioci_teljice izvršnih funkcija i savjetnici_e trenutno imaju pravo na isplatu otpremnine prilikom odlaska u penziju u iznosu od pet njegovih ili njenih prosječnih plaća isplaćenih u prethodnih pet mjeseci, bez obzira na visinu ostvarene plaće koju imaju. Ovakvo rješenje dovodi do situacija da oni sa najvišim primanjima ostvaruju neopravdano visoke otpremnine, koje su u potpunosti nesrazmjerne ekonomskoj i socijalnoj situaciji u Federaciji Bosni i Hercegovini, ali i u suprotnosti sa svrhom otpremnine da olakša tranzicioni period kod odlaska u penziju, a ne da ih nagradi enormnom naknadom.

Predloženi zakon uvodi drugačije ograničenje maksimalanog iznosa otpremnine koji se može isplatiti, i to u iznosu od najviše šest prosječnih plaća u Federaciji Bosne i Hercegovine iz prethodne kalendarske godine.

III. – OBRAZLOŽENJE PREDLOŽENIH MJERA

Član 1. – Uvodi se drugačije ograničenje maksimalanog iznosa otpremnine koji može biti isplaćen.

Član 2. – Regulira vrijeme stupanja zakona na snagu.

IV. - PRINCIPI NA KOJIMA JE PRIJEDLOG ZAKONA ZASNOVAN

Ovaj prijedlog zakona je zasnovan na principima pravičnosti, transparentnosti, fiskalne održivosti, društvene odgovornosti i solidarnosti.

V. – POTREBNA FINANSIJSKA SREDSTVA ZA PROVOĐENJE ZAKONA

Za potrebe implementacija izmjena i dopuna ovog zakona nisu neophodna dodatna finansijska sredstva.

Odredbe zakona koje se mijenjaju:

Član 16.
(Otpremnina)

Izabrani dužnosnici, nosioci izvršnih funkcija i savjetnici imaju pravo na isplatu otpremnine prilikom odlaska u penziju u iznosu od pet njegovih prosječnih plaća isplaćenih u prethodnih pet mjeseci na dan uplate.